



Broj: **02/1-50-8-22-20/12**

Sarajevo, 31.10.2012.

USTAVNOPRAVNOJ KOMISIJI  
DOMA NARODA  
PARLAMENTARNE SKUPŠTINE BOSNE I HERCEGOVINE

Ured sekretara Ustavnopravne komisije Doma naroda Parlamentarne skupštine BiH podnosi Ustavnoj komisiji Doma naroda Parlamentarne skupštine BiH sljedeću

**INFORMACIJU**

**o održanoj Međunarodnoj konferenciji o temi „Uloga parlamenata u procesu evropskih integracija: ustavne i zakonodavne promjene“, održanoj u Sarajevu 29. i 30. oktobra 2012.**

Ustavnopravne komisije oba doma Parlamentarne skupštine BiH, uz pomoć Misije OSCE-a u BiH i Fondacije „Konrad Adenauer“, organizirale su Međunarodnu konferenciju o temi: „Uloga parlamenata u procesu evropskih integracija: ustavne i zakonodavne promjene“ (u daljnjem tekstu: Konferencija). Konferencija je održana 29. i 30. oktobra 2012. u zgradi Parlamentarne skupštine BiH.

Konferenciji su prisustvovali predsjedavajući ustavnih i zakonodavnih komisija, kao i komisija za evropske integracije Bosne i Hercegovine, Srbije, Hrvatske, Slovenije, Crne Gore i Albanije, te predstavnici Evropskog parlamenta, parlamenata Njemačke, Austrije, Slovačke, Mađarske i Bugarske, kao i ugledni nezavisni stručnjaci.

Na početku Konferencije pročitano je pismo Martina Schulza, predsjednika Evropskog parlamenta.

Prvi dan održavanja Konferencije, 29. oktobra 2012., raspravljalo se o sljedećim temama:

- Ustavne i zakonodavne promjene – nužnost ili gest dobre volje;
- Uloga parlamenata u procesu evropskih integracija – agenti za promjene ili mašine za glasanje;
- Ustavne i zakonodavne promjene: iskustva Slovenije i Hrvatske – problemi, izazovi i rješenje.

Panelisti su bili: Thomas Markert, sekretar Venecijanske komisije Vijeća Evrope; Otto Brix, član Komisije za evropska pitanja i Komisije za ustavna i zakonodavna pitanja, Narodno vijeće Slovačke Republike; Krasimir Tsipov, član Komisije za pravna pitanja, Narodna skupština Republike Bugarske; Kovacs Krisztian, načelnik Odjeljenja za EU, Ured za vanjske poslove Narodne skupštine Republike Mađarske; Eduard Kukan, predsjedavajući Delegacije za odnose s Albanijom, Bosnom i Hercegovinom, Srbijom, Crnom Gorom i Kosovom iz Evropskog parlamenta; Michael Brand, član Komisije za ljudska prava i humanitarnu pomoć iz Bundestaga; Wolfgang Gerstl, zamjenik predsjedavajućeg Komisije za ustavna pitanja iz Nacionalnog vijeća Parlamenta Austrije; Siniša Rodin, profesor s Univerziteta u Zagrebu; Roman Jakič, predsjedavajući Komisije za pitanja Evropske unije iz Državnog zbora Republike Slovenije, i Peđa Grbin, predsjedavajući Komisije za Ustav, Poslovnik i politički sistem iz Hrvatskog sabora.

Učesnici su u okviru teme „**Ustavne i zakonodavne promjene – nužnost ili gest dobre volje**“ raspravljali da li je Evropska unija postavila neke zahtjeve u vezi s ustavom određene zemlje, koje su ustavne i zakonodavne promjene provedene kako bi se ispoštovali standardi Evropske unije i međunarodni standardi, na koji su način ove promjene osmišljene i provedene, te na koji način je javnost bila uključena u promjene.

U vezi s temom „**Uloga parlamenata u procesu evropskih integracija – agenti za promjene ili mašine za glasanje**“, razmijenjena su mišljenja na koji način parlamenti mogu doprinijeti cjelokupnom uspjehu integracijskog procesa, koja je uloga nacionalnih parlamenata u evropskom sistemu donošenja odluka na više nivoa, te da li slabi politički uticaj parlamenata nakon što države postanu članice Evropske unije.

U vezi s temom „**Ustavne i zakonodavne promjene: iskustva Slovenije i Hrvatske – problemi, izazovi i rješenje**“ razgovarano je o tome koje su ustavne i zakonodavne promjene provedene u ove dvije zemlje kako bi se ispoštovali standardi Evropske unije i međunarodni standardi, na koji su način ove promjene osmišljene i provedene, kakvu su ulogu imali pravni stručnjaci u procesu promjena, te na koji je način javnost bila uključena u te promjene.

Drugi dan održavanja Konferencije, 30. oktobra 2012., raspravljalo se o sljedećim temama:

- Ustavne i zakonodavne promjene: iskustva Srbije i Bosne i Hercegovine;
- Kako efikasno harmonizirati domaće zakonodavstvo s pravnom tečevinom EU?;
- Ustavne i zakonodavne promjene: iskustva Albanije i Crne Gore.

Panelisti drugog dana Konferencije bili su: Doris Pack, članica Delegacije za odnose s Albanijom, Bosnom i Hercegovinom, Srbijom, Crnom Gorom i Kosovom, Evropski parlament, izjaviteljica Evropskog parlamenta za Bosnu i Hercegovinu; Srđan Miković, zamjenik predsjedavajućeg Odbora za ustavna pitanja i zakonodavstvo, Narodna skupština Republike Srbije; Zlatko Knežević, sudija Ustavnog suda Bosne i Hercegovine; Šefik Džaferović, predsjedavajući Ustavnopravne komisije Predstavničkog doma Parlamentarne skupštine BiH; Krstan Simić, predsjedavajući Ustavnopravne komisije Doma naroda Parlamentarne skupštine BiH; Nenad Stojanović, s Univerziteta u Cirihu; Andrej Engelman,

sekretar, Odjel za privrednu promociju, Ministarstvo vanjskih poslova, Republika Slovenija; Otto Brix, član Komisije za evropska pitanja i Komisije za ustavna i zakonodavna pitanja, Narodno vijeće Slovačke Republike; Roman Jakič, predsjedavajući Komisije za pitanja Evropske unije, Državni zbor Republike Slovenije; Kovacs Krisztian, načelnik Odjeljenja za EU, Ured za vanjske poslove Narodne skupštine Republike Mađarske; Ingrid Antičević-Marinović, predsjedavajuća Komisije za zakonodavstvo, Hrvatski sabor; John Packer, ekspert, Ujedinjeni narodi; Victor Gumi, član Parlamenta, sekretar Komisije za pravna pitanja, javnu upravu i ljudska prava, Parlament Albanije, i Miodrag Vuković, predsjedavajući Komisije za evropske integracije Narodne skupštine Crne Gore.

U okviru tema o ustavnim i zakonodavnim promjenama učesnici su tokom drugog dana skupa diskutirali o različitim iskustvima Srbije i Bosne i Hercegovine, Albanije i Crne Gore, zatim o ključnim pitanjima koja treba pokrenuti i načinima kako da parlamenti na njih odgovore, o postojanju planova za pokretanje ustavne i zakonodavne reforme, te o modalitetima uključivanja građana u taj proces, kao i o tome kakvu su ulogu imali pravni stručnjaci u procesu promjena.

U okviru teme „**Kako efikasno uskladiti domaće zakonodavstvo s pravnom tečevinom EU**“ razmijenjena su mišljenja o korištenim modelima usklađivanja, najtežim izazovima za rješavanje i preporukama koje se nakon njihovog rješavanja mogu dati.

Također, razgovarano je i o ulozi parlamenata u procesu evropskih integracija: ustavnim i zakonodavnim promjenama, s preporukama i zaključcima.

Na kraju Konferencije doneseni su sljedeći zaključci:

- Države učesnice Međunarodne konferencije u Sarajevu, svjesne su činjenice da je neophodno vršiti ustavne i zakonodavne promjene koje su potrebne u procesu pristupanja EU, te da je u tome nezamjenjiva uloga parlamenata i njihovih radnih tijela;
- S ciljem usaglašavanja ustava i domaćeg zakonodavstva sa zahtjevima EU, iskustva država članica EU, kao i država regiona koje su ostvarile veći napredak u pristupanju EU, dragocjen je doprinos državama koje tek treba da pređu taj put;
- U procesu ustavnih i zakonodavnih reformi korisno je više crpiti iskustva i preporuke Venecijanske komisije koja je i do sada svojim radom davala konstruktivan doprinos evropskom putu mnogih država;
- Teme o kojima je razgovarano za vrijeme Konferencije upućuju na to da bi ovakva razmjena iskustava trebala da postane tradicionalna. Zajedničkim radom, analizom najboljih puteva i rješenja brže se dolazi do zajedničkog cilja;

- Organizatori Konferencije zahvaljuju se državama učesnicama i njihovim parlamentima na doprinosu koji su dali u realizaciji ove konferencije;
- Učesnici Konferencije iskazuju zahvalnost Misiji OSCE-a u Bosni i Hercegovini i Fondaciji „Konrad Adenauer“ na finansijskoj, organizacionoj i svakoj drugoj podršci ovoj konferenciji.

**SEKRETAR KOMISIJE**

**dr. Zijad Hasić**